

ԻՆՉՊԻՍԻ ՍԵՐՄ ՑԱՆԵՍ, ԱՅՆ ԷԼ ԿՍՏԱՆԱՍ

1 + 1

Կայք էջ՝ 1u1.am



ԳԵՂԱՐՔՈՒՆԻՔ ԳՅՈՒՂԻ ՄԻՋՆԱԿԱՐԳ ԴՊՐՈՑԻ ՄԱՐԶԱՅԻՆ ԹԵՐԹ 27 ԴԵԿՏԵՄԲԵՐԻ 2021թ. թիվ 8 (29)

ԱՆՐ ԱՆԿԱՆՈՒՅՎԱԾ ԱՅՐԵՐԸ




ՄՈՆԹ ՍԵԼԵՈՆՅԱՆ



ԻԳՈՐ ՄՈՒՐԱԴՅԱՆ



ՆՈՐԱՏ ՏԵՐ-ԳՐԻԳՈՐՅԱՆ



ՎԻՏՅԱ ԱՅՎԱԶՅԱՆ

ՈՒՋՈՒՄ ԵՍ ԽԱՂԱՂՈՒԹՅՈՒՆ, ՊԱՏՐԱՍՏՎԻՐ ՊԱՏԵՐԱԶՄԻ



Նարեկ Միրզակյան
Գ. Ներքին գետաշեն
/ռազմագետ/



Էմիլ Ադիբեկյան
Գ. Չկալովկա
/իրաձիգ/



Վարուժան Ավետիսյան
Ք. Սևան
/ծրագրավորող/



Վարդգես Հովեյան
Գ. Երանոս
/քարտեզագետ/



Դավիթ Ղազարյան
Գ. Գեղարքունիք
/երկրաբան/




Տիգրան Պողոսյան
Գ. Այգուտ
/հետախույզ/



Միշա Աբրահամյան
Գ. Վահան
/լեռնագնաց/



Նարեկ Աբրահամյան
Գ. Ներքին գետաշեն
/վազորդ/



Շահեն Հակոբյան
Գ. Ներքին գետաշեն
/աշխարհագրագետ/



Սերժ Մելքոնյան
Թ. Հացառատ
/նշանառու/

1

ՕԳՆԻՐ ՔՈ ԱՌԱՋԸՆԹԱՅԻՆ

Ընկալելով ձեր մտքերը՝ որպես եղելություն, գոյատևել նրա հետ, որ մենք անվանում ենք նյութական պահանջմունք, դուք առնչվում եք երկու հասկացողությունների հետ: Մենք ապրում ենք միաժամանակ երկու աշխարհում, երկու իրողություններում: Մեր ներքին մտքերի առկայության հետ՝ արտաքին իրականության, որտեղ ապրում են մարդիկ, կան տարածքներ, իրեր և գործընթացներ:



Պրոբլեմները հանդիսանում են էներգիա տվող մի աղբյուր, որը ձեզ հասնում են մտքի ձևով: Միտքը միշտ ձգտում է արտաքին դրսևորման՝ փորձելով գտնել իր արտահայտումը, որպեսզի հասականալի լինի այն, ինչ պատկերացում ենք: Օրինակ՝ խոշորացույցը, որով անցնում են արևի ճառագայթները, երբ մենք այն շարժում ենք մակերևութի նկատմամբ, մենք նկատում ենք, որ արևի էներգիան կանքանում է կամ էլ շատանում: Իսկ եթե խոշորացույցը տեղադրում

ենք ինչ-որ որոշակի հեռավորության վրա, արևի ճառագայթները կոնցետրացնում ենք որոշ մակերեսի վրա, և լույսը ձեռք է բերում ուժ, որը կարող է այրել տվյալ մակերեսը: Այդ նույն բանը տեղի է ունենում մեր մտքերի հետ: Հետագոտելով ուղեղի ուժը՝ դուք կարող եք կոնցետրացնել ձեր մտքերը և ուժեղացնել նրանց պոտենցիալը: Այս էտապում ձեզ համար պետք է հասկանալի լինի, որ միտքը ունի սեփական ուժ: Ձեր ամենախորհունգունքները՝ վախը, հույսերը, տեսակետները, հոգսերը, սպասումները ու յուրաքանչյուր միտք ազդում է ձեր և ձեզ շրջապատող աշխարհի վրա: Հնարավոր է, որ մենք ավելի մեծ ուշադրությամբ հարաբերվենք մեր ներքին պրոցեսներին: Եթե յուրաքանչյուր մտքի համար կախված իր բնույթից կամ մեզ փող կտային, կամ մենք կտայինք: Համեմայնդեպս, հենց դա էլ մեզ հետ կատարվում է մենակ փողի առկայության դեպքում, հայտնվում է մտքից ծագած էներգիան:

Իր կյանքը՝ դրա համար քննադատաբար վերաբերվելով կյանքի ընթացքին: Դուք պնդում եք, որ ուզում եք ֆինանսական առաջխաղացում, բայց մյուս կողմից՝ գանգատվում եք փող չունենալու ու թանկության համար:

Դուք հայտնվում եք փակուղում, որտեղ ձեզ վախեցնում են ծախսերը, և դուք տանջվում եք, մտորում, թե ինչպես դուրս գալ այդ վիճակից:

Ձգտելով ֆինանսական հաջողության դուք չեք ունենա առաջընթաց, քանի որ ձեր միտքը վախեցնում է անհաջողություններից: Կարող է դուք ուզում եք լինել ավելի շփվող, անվախ, վստահ, բայց միաժամանակ մտածում եք, որ անհարմար է, որ ամաչում եք: Այդ դեպքում երբեք չեք լինի այն, ինչ ուզում եք՝ միայն խոսքով և ցանկությամբ գործին չես օգնի: Հուսանք, որ ինչ-որ բան կփոխվի միտք չունի: Պարտադիր չէ, որ դուք աշխատեք օրական 12-14 ժամ, որպեսզի առաջընթաց ունենաք: Պետք է բավականին լուրջ խնդիր դնել ձեր առջև «փոխել ձեր մտքի պատկերը»:

**Մանուշակ Թովմասյան
Հոգեբան-խորհրդատու**

ՉԼԻՆԵՆ ԱՆՏԱՐԲԵՐ

Հարգելի՛ պարոն Սարիբեկյան, դուք շատ արդիական նյութեր եք գրում մեր թերթում, մեր ընթերցողները, հիմնականում ծնողները ուզում են իմանալ ձեր մասին:

Շատերին դուր չեն գալիս ձեր քննադատական նյութերը, կցանկանայինք զրուցել ձեզ հետ և քննարկել մի քանի հարցեր:

-Դուք ինչո՞վ եք զբաղվում:
- Ես 2020 թվականից անցել եմ թոշակի: Ունեմ 15 փեթակ մեղու, հողամաս, ձի, շուն և մի քանի հավ. սիրով եմ վարում իմ տնտեսությունը:

-Ձեր գրած թեմաներից երևում է, որ դուք ունեք լրագրողական և հրատարակչական փորձ:

-Այո՛, ես որոշ չափով զբաղվել եմ նման գործունեությամբ, բայց թեմաները հիմնականում վերցնում եմ բաց աղբյուրներից, ես չեմ ասի, որ շատ եմ կարդում, բայց երբ ունենում եմ ազատ ժամանակ, կարդում եմ գեղարվեստական, պատմական, փիլիսոփայական և հոգեբանական գրքեր:

- Ձեր կարծիքով, ինչու են մարդիկ միշտ գտնում վախկոտության, տգիտության և չարության հիմնավորում:

-Եթե այդ հարցին մոտենանք փիլիսոփայորեն, դա նշանակում է, որ մարդը միշտ ձգտել է դեպի իր նմաններից, այսինքն՝ եթե հասարակությունը հետաքրքրված է այդ արարքներով և կարիք ունի ճշտելու, նա դառնում է այդ արարքների կրողը:

Իսկ եթե ավելի մանրամասն դիտարկենք, դա հետևանք է այն բանի, որ հասարակությունը չի հանդիսանում մեծ աշխարհի մի մասը՝ փակվելով կաղապարի մեջ և չզենեացնելով ո՛չ միտք, ո՛չ էլ առաջընթաց: Իսկ եթե խորանաք ակունքների մեջ, կնկատենք, որ դա ստրկական վիճակ է, որը շահակապետ է ցածր մակարդակի անգրագիտությամբ:

-Ծնողներին հետաքրքրում են, թե ինչո՞վ են զբաղված ձեր երեխաները:

- Մենք հայերս, չունենք փիլիսոփայություն, որ պետք է ձևավորեր արժեհամակարգ, հետևաբար չունենք այն գիտական ու մտավոր կարողությունը, որ կկանխորոշի մեր անելիքները գոնե 10-30 տարվա կտրվածքով, հետևաբար դժվար թե մենք կարողանանք փոփոխական աշխարհի ընթացքին մասնակից լինել: Դա է պատճառը, որ մենք դարձել ենք տարբեր տերությունների ձեռքում որպես խաղաքարտ:

Մենք կորցրել ենք ազգային շարունակությունը թե՛ երեխաների դաստիարակության հարցում, թե՛ ավանդույթների պահպանման և նոր ժամանակակից ավանդույթներ ներգրավելուն և թե՛ կյանքի ու ապագայի հարցերում. դա բնորոշ է բոլոր այն ժողովուրդներին, որոնք հարյուրավոր տարիներ ի վեր ծառայել են տերություններին և հավատացել են, որ դա կնպաստի իրենց զարգացմանը և կունենա լուսավոր ապագա:

Ցավոք սրտի, մենք այդպես էլ չսովորեցինք քարը քարի վրա դնել, թողնելով մեր հայրենիքը՝ շատ շուտ

ընդունում ենք տարբեր երկրների կյանքի կանոնները և բարեհաջող ձուլվում: Հարգելի ծնողներ, ես ոչ մի բանով չեմ տարբերվում միլիոնավոր հայ ծնողներից, ում երեխաները լավ կյանք գտնելու պատրվակով թողել են իրենց հայրենիքը, դա, իհարկե, վատ է: Ես շատ ջանք գործադրեցի, որպեսզի կապեմ իմ երեխաներին մեր հողին ու ջրին, բայց հասարակության և պետական փիլիսոփայության բացակայությունը, ոչ հեռատես մոտեցումը հարթեցին ինձ:

- Ճիշտն ասած, այսպիսի մտածելակերպ ունեցող մարդու կյանքը ուրիշ ձև էինք պատկերացնում:

-Դա այդպես է: Մենք՝ հայերս, հավատում ենք խոսքին, չտեսնելով նրա խորքում եղած բովանդակությունը, ուղղորդվում ենք զգացմունքներով և անտեսում ուրիշի դերը ամեն ինչում, եթե այդ ուրիշը մենք չենք:

- Այդ դեպքում ո՞րն է ծնողի դերը:

- Մենք՝ ծնողներս, պետք է կարողանանք վերցնել լավ մեր ծնողներից, հասարակությունից, իսկ այն, որ այդքան լավը չէ, աշխատենք մեր կյանքի ընթացքում հղկել, դարձնել գերազանց ու ձգտել փոխանցել մեր սերունդներին. դա պետք է ուղղորդվի պետական ու հասարակական մտքի ու արժեքի հետ համահունչ: Ձգտել առավելագույնը լուծել մեր առջև ծառայած խնդիրները, որ չծանրաբեռնվեն մեր գալիք սերունդները: Մեր երեխաները լքում են մեր հայրենիքը հիմնականում ոչ թե ֆինանսական պատճառով, այլ փախչում են մեր և մեր պապերի կողմից չլուծված խնդիրների ծանրաբեռնվածությունից:

-Ո՞րն է ձեր առաջնային ցանկությունը, որ ուզում եք ուղղել ծնողներին և երեխաներին:

-Կարողավ տարբեր երկրների պատմությունները եկա այն եզրակացության, որ երեխային, երիտասարդին կամ ընդհանրապես մարդուն դրող ամենամեծ ուժը նրա կամքի ուժի առկայությունն է:

-Ի՞նչ կցանկանայիք ասել մեր մարզի ուսուցիչներին:

- Կուզեմայի խորին շնորհակալություն հայտնել բոլոր ուսուցիչներին՝ իրենց կատարած աշխատանքի համար:

Ուսուցիչ դերը մեծ է, ու դա ակտուալ է ամբողջ աշխարհում: Մի երկու ամիս առաջ կարդացի, որ ԿԳՄՍ նախարարությունը անցկացնում է ուսուցիչների ատեստավորում, որը նաև մեծ քննադատությունների է արժանացել:

Հարգելի ուսուցիչներ, դուք եք ձևավորելու ապագա մեր մտավորականներին, ովքեր մեր սերունդներին կտանեն իրենց հետևից, և դուք գիտակցում ենք, որ այդ երեխային սովորեցնելու համար գիտելիքը պետք է համապատասխանի առաջադեմ աշխարհի նորմերին. պետք է ժամանակակից ուսուցիչ: Հարգելի ուսուցիչներ, դա կլինի ատեստացիա, թե ... դուք պետք է զբաղվեք ձեր կրթությամբ և ինքնակրթությամբ, որպեսզի մեր հասարակությանը տաք հնարավորություն դուրս գալու ստրկությունից. ես վստահ եմ և հավատում եմ ձեզ:

1+1 թերթի խմբագրություն

ԵՐԵՒԱՆԻ ԼԻՆԵՆԻ...



*Ես միտք եմ անում՝
Եթե լինեի մի աշխատավոր
Ո՛ր լավ գյուղացի,
Ես ի՞նչ կանեի:
Բայց հանկարծ մի պահ
Միտքս է փոխվում,
Ուրիշն եմ դառնում,
Դառնում եմ մի լավ, չաղ պատգամավոր,
Ես ի՞նչ կանեի:
Գլխացավանք է:
Ձէ դա ինձ պետք չէ,
Ավելի լավ է դառնամ թագավոր՝
Ուտող, խմող ու լավ քեֆ անող,
Ուրիշներին հրաման տվող:
Ձէ դա էլ ինձ պետք չէ,
Ավելի լավ է՝ գնամ իմ գործին:*

**Սևանի N4 հիմնական դպրոցի
6-րդ ք դասարանի աշակերտուհի
Թադևոսյան Էլեն**

ԵՐԵՒԱՆԻ ԼԻՆԵՆԻ...



Եթե ես լինեի թիթեռ... ապա կվայելեի իմ մեկ օրվա կյանքը: Կապույտ երկնքից կհիանայի ամեն անկյունով:

Կ փ ա խ չ է ի մ ար դ կ ա ն ց ի ց հ եռ ու, ն որ ը ն կ եր ն եր կ գ տ ն ե ի և կ վ ա յ ե լ ե ի ամեն վայրկյանը:

**Սևանի N4 հիմնական դպրոցի
9-րդ ա դասարանի աշակերտուհի
Մնացականյան Մարիա**

2

ԵՐԵՎԱՆԻ ԼՆԵՏԻ...




Ամեն օր մուրը փռում է թևերը՝ իր մեջ ընկրկնելով աննկարագրելի փայլ ունեցող աստղերը, իսկ լուսինը կրկին ինչ-որ յուրահատուկ դիրքով ժպտում է անծայրածիր երկնքից «մտքերս խառնվում ու տարուբերվում են ծովի ալիքների նման: Հենց այսպիսի մի օր էր աստղագարդ, երազանքներով ու գիշերային հեքիաթով լեցուն մի օր, ինքս ինձ հարցրի. «Ի՞նչ կանես, եթե նկարիչ լինես»: Այո՛, նկարիչ, բայց ոչ սովորական, այլ իմ պատկերացումներով կախարդական վրձին ունեցող նկարիչ: Հետաքրքիր է, չէ՞: Կյանքը նկար է, այո՛, նկար, մեր ձեռքի վրձնով կերտած նկար: Ես կգունավորեի կյանքը, աշխարհը վառ գույներով: Գուցե այդ վառ գույները կարողանային գունավորել նույնիսկ ամենաանտարբեր մարդու քար սիրտը դարձնելով սիրո ու բարության աղբյուր:

Կապույտը երազանքի, խաղաղության ու մաքրության գույնն է: Կապույտով մի խաղաղ երկինք կնկարեի, որտեղից հանգիստ ժպտում է ոսկեգույն արևը: Լավ կլինեի չէ՞, որովհետև խաղաղություն կթափարկեր երկրիս՝ Հայաստան աշխարհի վրա:

Սպիտակը պարզության, անմեղության, իմաստության գույնն է: Սպիտակով կներկերի մարդկանց հոգիները, ախ, եթե կարողանայի, եթե լինեի նկարիչ, ապա մի կողմ կդնեի իմ ներկապնակի մուգ ու գորշ գույները և կարմիրով, դեղինով, գմբուխտ կանաչով կգունավորեի իմ նկարը՝ աշխուժություն ավելացնելով մեր կյանքին:

**Վահանի միջնակարգ դպրոց
Զարգարյան Շուշան
9-րդ դասարան**

Եթե ես լինեի ՀՀ վարչապետ...
Որքան բան կա անելու: Առաջին հերթին կընդարձակեի մեր երկրի սահմանները, կհայտնվեինք Տիգրան Մեծի ժամանակների ծովից ծով Հայաստանում: Կամրացնեի մեր հայրենիքի սահմանները, կստեղծեի հզոր բանակ և կզինեի մեր բանակն այնպես, որ թշնամին միշտ վախենար մեր սահմանին մոտ գալուց: Որքան էլ ասում են, թե արդարությունը տեղ ունի աշխարհում, բայց պատերազմը, մեր ունեցած զոհերը, ապացուցեցին, որ ուժեղն է արդար: Հայ ազգը շատ խելացի, արդար դատող, քարից հաց քամող ազգ է, բայց շատ վճռորոշ պահերին մեր ազգի անհեռատես նյութապաշտներին թուլացրել են մեր քիկունքը: Անպայման կպատժեի բոլոր անհեռատես նյութապաշտներին ու կապահովեի խաղաղ երկինք, հանգիստ կյանք իմ ժողովրդի համար: Կփորձեի լինել լավ դիվանագետ այս անարդար աշխարհում, ապացուցել, որ մենք մեր խելքով ու աշխատանքով էլ կարող ենք ապրել, գոյատևել, ստեղծել ու բարգավաճել:



**Սևանի N4 հիմնական դպրոցի
5-րդ դասարանի աշակերտուհի
Խաչատրյան Մարի**

«Եթե ես լինեի... առեղծվածային, անտեսանելի էակ»


Եթե ես լինեի առեղծվածային, անտեսանելի էակ, կկատարեի իմ քայլը...
Չգիտեմ ինչու՞ են մարդիկ չարացած իրար հանդեպ, հալածում են մեկմեկու, խաբում, դավաճանում, սպանում, ասիստում, զղջում, արհամարհում, ոտնձգություններ անում: Չեմ հասկանում, թե ի՞նչ են մտածում, ինչ հաճույք են ստանում, և կա արդյո՞ք այս հարցերի լուծումը:



Թերևս, իմ կարծիքով, պետք է յուրաքանչյուր անհատ իր մեջ փնտրի և գտնի այն բանակը, որ կարողանա բացել բարության, վստահության, աշխարհին խաղաղություն բերող փակ դուռը: Այսօր աշխարհի մի մասն ենք մենք, որ պատերազմում ենք մեր մայր հողի, մեր Հայաստան աշխարհը անառիկ պահելու, մեր 18-ամյա հերոսների արյան գնով ձեռք բերածը, երկրի սահմանները պահելու համար:

Եթե ես լինեի առեղծվածային, անտեսանելի մի էակ, ես կասեի. «Ուտքի՛ կանգնեք, մի բռունցք դարձեք և պայքարե՛ք»:

**Արփի Հարությունյան
Երանոս գյուղի թիվ 1 միջնակարգ դպրոց, 9-րդ դասարան**



«Եթե ես լինեի այն մեկը, ով կստեղծեր խաղաղություն»

Չեմ ուզում լինել հողագործ կամ բնություն ստեղծող: Ես ե՛ս եմ: Մի մարդ, ով նախկինում ուներ մեծ երազանքներ ու նպատակներ՝ իր հայրենիքի հետ կապված, բայց տեսնելով այս պատերազմը՝ մոռացավ ամեն երազանք: Բոլոր մարդիկ էլ երազում են: Ոմանք երազում են հարստության մասին, ոմանք՝ փառքի, ոմանք՝ շքեղ մեքենաների և առանձնատների, ոմանք էլ ուզում են պարզապես լավ մարդ դառնալ, որ իրենց հայրենիքը ծաղկեցնեն, շենացնեն: Ես էլ ունեմ երազանքներ: Փոքր տարիքում դրանք որքան տարօրինակ էին, այնքան էլ գեղեցիկ: Փոքր տարիքում իմ երազանքն էր՝ լինել մուլտֆիլմի հերոս, շուրջբոլորս ես գույներով էի պատկերացնում, կյանքը շատ պարզ ու հասարակ էի ընկալում, մտածում էի, որ երջանիկ լինելու համար շատ քիչ բան է պետք: Այնքան անհոգ օրեր էին ինձ համար. ամեն ինչ գեղեցիկ էր, գունեղ, երջանիկ: Իսկ հետո, երբ մեծացա, ունեի բազում երազանքներ, որոնք ցանկանում են իրագործել և դրանով փորձել հասնել երջանկության: Այս ամսահամադրության մեջ չկա մեկը, որ չունենա երազանքներ: Իհարկե, երազանքը լավ բան է, եթե այն դառնում է իրականություն: Իսկ հիմա, հիմա ամեն ինչ ուրիշ է, հիմա գլխումս միայն մի միտք է՝ ունենալ խաղաղ հայրենիք:

**Թամարա Չոլոյան
Երանոս գյուղի թիվ 1 միջնակարգ դպրոց, 9-րդ դասարան**




Մենք ապրում ենք այնպիսի տարածաշրջանում, որտեղ միշտ հակա-

մարտություններ կան: Մենք՝ հայերս, ունենք շատ թշնամի հարևաններ, որոնք միշտ ցանկացել են ոչնչացնել մեզ և գրավել մեր երկիրը: Տավոք, որոշ դեպքերում դա հաջողվել է նրանց: Մենք, ունենալով մեծ երկիր, տարիների ընթացքում միշտ կոտորվել ենք, գիջել մեր երկրի տարածքները, սակայն մենք հին և իմաստուն ազգ ենք, և մեզ չեն կարող վերջնականապես ջախջախել ու վերացնել: Բոլորովին վերջերս էլ նորից թշնամին գրավեց Արցախի տարածքի մեծ մասը: Սակայն մեր զինվորները շատ ուժեղ էին ու շատ հերոսություններ են գործել: Ու լսելով այդ պատմություններից մեր զինվորների սխրանքների մասին շատ են հայարտանում, որ հայ են, և հային երբեք չեն կարող հաղթել, ինչքան էլ ուժեղ և

հզոր լինեն մեզանից:
Եթե ես լինեի գլխավոր շտաբի պետ, պարբերաբար գորավարժություններ կանցկացնեի նրաց հետ, ովքեր կարող են զենք վերցնել, և կկատարեի աշխատանքի բաժանում տարբեր ստորաբաժանումներում, կանցկացնեի գորավարժություններ ոչ թե 3 ամսով, այլ յուրաքանչյուր շաբաթ և կիրակի՝ չճախելով պետական փողը: Սահմանափակ գյուղերի բնակիչներից կնշանակեի հրամանատար իրենց գյուղում: Բոլորին կապահովեի զենքով ու զինամթերքով: Գյուղացիների օգնությանը կամրացնեի դիրքերը, հավատացեք ոչ մի թշնամի չի խենթացել այդպիսի երկրի վրա հարձակվի, ուղղակի պետք է լինել արդար ու հայրենասեր, պրոֆեսիոնալ զինվո-

րական: Իսկ Ղարաբաղյան կռվում ես զորքը հետ կքաշեի Քարվաճառի լեռները և կսկսեի պարտիզանական կռիվ թուրքերի դեմ: Այդ հանգամանքում դժվար թե թշնամին հաղթեր մեզ, այլ նա կնտրեր խաղաղություն: Օրինակ Աֆղանստանում պարտիզանները հաղթեցին ամերիկացիներին, Եվրոպայում մի բուռ տիգրայ կոչվող ազգը, ովքեր կազմում են Եվրոպայի բնակչության 10-15 տոկոսը, պարտիզանական կռվում ջախջախեցին հարյուր հազարավոր զորքին, շուտով կգրավեն Ադիս-Աբեբան, 140 միլիոնանոց Ռուսաստանը չկարողացավ հաղթել 800000 թվաքանակ ունեցող չեչեններին...

**Մովսիսյան Նվարդ
9-րդ դասարան
Այգուտի միջնակարգ դպրոց**



Ինձ միշտ հետաքրքրել են արևելքը, արևելյան երկրները, նրանց կրոնը, մշակույթը

և լեզուն: Այդ պատճառով ապագայում ցանկանում եմ դառնալ արևելագետ: Արևելագիտության երեք ճյուղերից ընտրել եմ արաբագիտությունը: Արաբագիտություն սովորելով ավելի խորը կուսումնասիրեմ արաբական ավանդույթները ու սովորությունները: Արաբագետ դառնալով առաջին հերթին կնպաստեմ, որպեսզի մեր պետությունը դիվանագիտական հարաբերությունները խորացնի արաբական երկրների հետ, որով կամրապնդվի հայ-արաբական թե՛ ռազմական, թե՛ մշակութային հարաբերությունները:

**Վիկտորիա Հակոբյան
12-րդ դասարան
Ջիլի միջնակարգ դպրոց**

Եթե ես լինեի ՀՀ ՄԻՆ փրկարարական ծառայության պետ, առաջին հերթին բոլոր լեռնային շրջանների ջոկատներին կտրամադրեի ժամանակակից հատուկ փրկարարական ինքնագնացներ /ամենագնացներ/: Կհատկացնեի լեռնային շրջաններին ռոտորային ինքնագնացներ, որպեսզի անբարենպաստ ծնենային պայմաններում կարողանայինք հասնել արտակարգ դեպքի վայրեր: Հաճախակի կանցկացնեի վարժանքներ և կներգրավեի հոգեբաններին, որպեսզի անձնակազմը պատրաստ լիներ նաև հոգեպես: Դեպքի վայրից վերադառնալուց հետո անձնակազմի յուրաքանչյուր անդամի հետ կքննարկեի կատարած գործողությունները՝ օգտագործելով վիդեո և աուդիո ձայնագրությունները, որպեսզի գտնենք թույլ տրված սխալները: Վարժանքների և փրկարարական գործողությունների ժամանակ բարձր առաջադիմություն ցուցաբերած անձնակազմի անդամին կպարգևատրեի: Հաճախակի կկազմակերպեի վարժանքներ այլ երկրների և ՀՀ մարզերի փրկարա-

կան ջոկատների հետ: Մարզերում կստեղծեի փրկարարական ջոկատներ՝ զինված ԱԹՍ-ներով, որպեսզի յուրաքանչյուր միջադեպում վերահսկվեր դրությունը:

Ես սիրում եմ օգնել մարդկանց, շատ եմ ուզում սովորել և դառնալ մեր հասարակությանը պիտանի փրկարար:

**Հայկանուշ Մուժիկյան
10-րդ դասարան
Ճամբարակի ավագ դպրոց**



3

ԵՐԵՎԱՆԻ ԼՐԱԿՆԵՐ...



Եթե ես լինեի ֆաբրիկայի կամ ինչ-որ գործարարի տնօրենը կամ գլխավոր աշխատակիցը, ապա կարտադրելի այնպիսի վառելանյութեր, որ ծուխ չառաջացնեին, քանի որ ծուխը քայքայում է օգոնի շերտը, ինչը վնաս է մեր մոլորակի համար: Կարտադրելի որակյալ, օգտակար, առողջարար ապրանքներ: Կարտադրելի այնպիսի դիմակներ, որոնց վրա հատուկ անցքեր կլինեին՝ շնչելու համար, դրանք կլինեին էկոլոգիապես մաքուր և հակաալերգիկ: Իմ աշխատողներին լավ կվարձատրեի, որ նրանք խանութներից պարտքով ապրանքներ չառնեին, կարողանային հոգալ իրենց կարիքները: Աստիճա-

նաբար իմ գործարանում կսկսեի արտադրել զանազան զինատեսակներ, որոնցով կզինվեր մեր Հայոց բանակը: Դրանց շնորհիվ մեր թշնամին կվախենար և չէր համարձակվի պատերազմել մեր դեմ: Եթե գործերս լավ առաջ գնային, ապա իմ արտադրած զինանթերքը կարտահանելի տարբեր երկրներ և ստացած գումարով կաջակցեի դպրոցներին, բժշկական սարքավորումներ կառնեի մեր հիվանդանոցներին և զինվորի տան համար: Գումարով կօգնեի կարիքավոր ընտանիքներին: Իմ գործարանում անընդհատ նոր աշխատատեղեր կբացեի և աշխատանքի կընդունեի անգործ, բայց կրթված և գրագետ մարդկանց: Որպես տնօրեն խիստ կլինեի, բայց աշխատողներին չէի արհամարհի: Եթե հարուստ լինեի, գումար կտրամադրեի իմ սիրելի Արտանիշ գյուղին, որ այն զարգանար: Կասֆալտապատեի մեր գյուղի ճանապարհները, երիտասարդների համար հետաքրքիր աշխատատեղեր կբացեի, որ չզնային արտերկիր և ամենակարևորը՝ կվերանորոգեի մեր դպրոցը:

Կյուրեղյան Մարիամ, 6-րդ դասարան Արտանիշի միջնակարգ դպրոց



Եթե ես լինեի մեծահարուստ, կօգնեի անապահով երեխաներին: Եթե ես լինեի նախագահ, ապա այնպես կանեի, որ իմ հայրենիքում չլինեին մանկատներ, ծերանոցներ: Եթե ես լինեի հոգեբան, կգրուցեի այն մայրերի հետ, ովքեր իրենց բալիկներին թողնում են միայնակ, թեկուզ նրանք ծնվում են արատով, թույլ չէի տա, որ այդ բալիկները մնան միայնակ: Եթե ես լինեի մանկավարժ, կդաստիարակեի լավ սերունդ: Եթե ես լինեի բժշկուհի, կբուժեի հայ մանուկներին: Եթե ես լինեի բարի կախարհ, կկախարհեի նրա համար, որ իմ մայրիկը երբեք չարտասվի: Եթե լինեի Ազգային ժողովի նախագահ, այնպես կանեի, որ վերանար վճարովի բուժումը: Եթե լինեի մեծ աղջիկ, կշփվեի փոքրերի հետ ու նրանք կասեի, որ միշտ էլ բարին է հաղթում, ու բոլորս էլ հավասար ենք, հարուստ ու աղքատ չկա:

Թորոսյան Դիանա, 5-րդ դասարան Արտանիշի միջնակարգ դպրոց



Ների և տեխաշխատողների աշխատավարձը: Ես կզենեի նոր համակարգիչներ, որպեսզի ամեն երեխա ունենար իրենց և կարողանար ավելի լավ սովորել: Եթե ես լինեի դպրոցի տնօրեն, կբարեկարգեի ֆուտբոլի դաշտը, որ, անկախ եղանակից, երեխաները կարողանային խաղալ և մարզվել: Ես կուզեմ այն, որ երեխաները կրեն միևնույն համազգեստը: Ես այնպես կանեի, որ երեխաների օրը դպրոցում հետաքրքիր և հաճելի անցներ: Շատ բաներ կարելի է փոխել դպրոցում, բայց և այնպես ես չառնեմ սիրում իմ դպրոցը, այնպես ինչպես կա, որովհետև մեր դպրոցում են ամենալավ ուսուցիչները:

Լիլիթ Թիրաթյան, 5-րդ դասարան, Արտանիշի միջնակարգ դպրոց


Եթե ես լինեի ուսուցիչ... Ես միշտ կարծել եմ, որ ուսուցչի աշխատանքն ամենապատասխանատու աշխատանքն է: Քանի որ երեխան վեց տարեկանից մինչև տասնութ, գրեթե ամեն օր, շփվում է ուսուցչի հետ: Բնավորությունը, հոգևոր կարևոր արժեքները աշակերտը վերցնում է ուսուցչից: Ուսուցիչը դասարան մտնելուց առաջ պետք է տիրապետի երկու մասնագիտության՝ լինի թե ուսուցիչ, թե՛ հոգեբան: Ես միշտ համեմատել եմ բժշկի, հոգեբանի և ուսուցչի մասնագիտությունները մտածելով, որ այս երեք մասնագետներն էլ անմիջապես կանոններ կապ ունեն մարդկային կյանքի հետ: Եթե ես լինեի ուսուցիչ, ես կսովորեցնեի ոչ միայն իմ դասավանդած առարկան, այլ այն ամենը, ինչ իրենց պետք կգա հետագա կյանքում: Եթե ես լինեի ուսուցիչ, կլինեի ինչպես Վարդգես Պետրոսյանի «Վերջին ուսուցիչը» գրքի հերոս Վահան Մամյանը: Կլինեի այնպիսին, ինչպիսին ես էր բա-



Բարսեղյան Մարգարիտ, 10-րդ դասարան Մեծ Մասրիկի միջնակարգ դպրոց

ԻՄ ԵՐԱՋԱՆՔԻ ԹԵՎԵՐԸ

Մեզանից յուրաքանչյուրը երազում է և երազելով ապրում դեռ մանկուց: Ահա և իմ երազանքը, որն ինձ թվել է տալիս վեր ճախրելու և կյանքն իր ողջ բաղձրությամբ ճաշակելու: Երազել և երազանքին ձգտել ոչ բոլորին է բնորոշ, բայց դա ինձ համար ասես նպատակ լինի, փայլող և առկայծող մի աստղ խոր ու մութ գիշերվա լուսոթյան մեջ: Իմ երազանքները միմյանց են կապված հազար տեսակ գույնզգույն և ամուր թելերով, որոնք ասես շղթայված են մեկը մյուսին, որոնցից մեկի բացակայության դեպքում չեն ունենա և չեն հասնի մյուսներից և ոչ մեկին: Երազանքս ամենակարևոր և գլխավոր կետը՝ արմատը, շղթայիս գլխավորը, հայրենիքիս արժանի գավակ դառնալն է, ծնողներիս երեք ու երեք գլխիկոր չտեսնելը... Լավ մարդ դառնալու և երազանքս հասնելու համար ես ամուր թելերով կառնել եմ գիտությունից: Իմ ամենակարևոր և բաղձալի երա-



զանքը դիպուկահար դառնալն է, որը սերմանվել է իմ մեջ դեռ մանկուց: Ես մանկուց երազել եմ հողի վրա: ամուր կանգնելու պաշտպանելու իմ բնօրրանը, երկիրը, պապեճակս հողն ու մի բուռ հայրենիքս: Իմ երազանքի թևերով ճախրելու եմ խաղաղ և անապական երկրներով... «Երազանքի թևեր» ասելիս միշտ հիշում եմ հետևյալը, որ ապագան պատկանում է նրանց, ովքեր հավատում են իրենց երազանքի գեղեցկությանն այն իրականացնելու ուղիներ փնտրելով:

Սուսաննա Հակոբյան, Գավառի թիվ 8 միջն. դպրոց:

ԻՄ ՑԱՆԿՈՒԹՅՈՒՆԸ


Ես ցանկանում եմ, որ ունենանք տնտեսապես զարգացած պետություն: Բայց երազանքների իրականացման համար հարկավոր է ունենալ նպատակասլացություն և կարողանալ ստեղծել բոլոր նախադրյալները այդ ամենի իրականացման համար: Իմ նպատակն է դառնալ լավագույն տնտեսագետ, որի կարիքը մենք այսօր շատ ունենք: Եթե ես լինեի վարչապետ, կնշակեի ծրագիր տնտեսական զարգացման համար, քանի որ առանց զարգացող մրցակցային տնտեսության չի լինի ոչ ժամանակակից բանակ, ոչ էլ ժամանակակից կրթական համակարգ: Կօգտագործեի աշխարհի մեր հայրենակիցների գիտական և ֆիզիկական, ինչու չէ, նաև ֆինանսական կարողությունները, որպեսզի հասնեի իմ նպատակին: Կլինեի շատ ազնիվ և հաշվի չէի առնի ոչ մի խնամի: Բարեկամ, այլ առաջ կնդի մարդկանց միայն ու միայն իրենց կարողությունների չափով: Բայց դրան հասնելու համար առաջին հերթին կստեղծեի վստահելի, արդար և անկողմնակալ դատական համակարգ, կվերցնեի առաջավոր աշխարհի երկրների փորձը: Ես սիրում եմ իմ հայրենիքը:

Ղարիբյան Աննա, 12-րդ դասարան Արտանիշի միջն. դպրոց:



ՇԵՆՈՐ ՀԱՎՈՐ ԱՄՍԵՆՈՐ

Հետաքրքիր է իմանալ...
 Դուք գիտե՞ք, թե երբևէ հիշում եմ օգտագործում թվերը: Առաջին թվերը արդեն 30.000 տարի է, ինչ գոյություն ունեն, սկզբում հնդկացիները հաշվել են գծերով /խազերով/ բարերի կամ ոսկորների վրա: Ո՞վ է հորինել 0-ն: Մոտավորապես 400 տարի մ.թ. ա հնդիկները հորինեցին 0-ն և մնացած բոլոր թվերը/ 1,2,3,4,5,6,7,8,9/ Ինչու են մեր թվերը կոչվում արաբական – դա իրատեսական չէ, քանի որ թվերը հորինել են հնդիկները, իսկ արաբական են կոչվում, որովհետև թվերը եվրոպա են տարել 10-րդ դարում արաբները, նրանք ընդօրինակել են հնդիկներից, երբ նվաճել են Հնդկաստանը և Ջիբրալթարով Իսպանիա եկել:



4 «ՀՀ Գեղարքունիքի մարզի Գեղարքունիք գյուղի միջնակարգ դպրոց» ՊՈԱԿ Հասցե՝ Գարեգին Նժդեհի փ. 1 Փոստային դասիչ՝ 1207 Թողարկման օրը՝ 27. 12. 2021 թ.

Խմբագիր և համարի պատասխանատու՝ Ռոզա Հակոբյան Տպաքանակը՝ 1000 Հեռախոս՝ 093919658: Էլ. փոստ՝ roza.hakobyan.1975@mail.ru Կայք էջ՝ 1եւ1.հայ , 1u1.am